

傷寒舌鑑

清張登撰



上海衛生出版社

41. 24
325

內 容 提 要

傷寒證候，變化頗多，要診斷正確，切脈和觀舌，是分不開而相互佐證的，尤其是舌胎比較顯明可據。本書圖說頗詳，正因為欲盡其變而備述，學習者可體會得之。

本書備列傷寒觀舌之法，分白、黃、黑、灰、紅、紫、微醬、藍八種舌胎，附妊娠傷寒舌，共計一百二十圖。除每種有總論外，各圖均附有說明，觀舌辨證，頗便認識，在臨床診斷上，有一定的參考價值。茲特校印，以應需要。

傷 寒 舌 鑑

清 張 登 撰

*

上海衛生出版社出版

(上海南京西路2004號)

上海市書刊出版業營業許可證出 080 號

上海土山灣印刷廠印刷 新華書店上海發行所總經售

*

開本 787×1092 耗 1/32 印張 1 1/8 字數 24,000

1958年1月新1版 1958年1月第1次印刷

印數 1—2,500

統一書號 14120·352

定價 (9) 0.15 元

R

自序

嘗讀仲景書。止言舌白、胎滑。並無黃、黑、刺、裂。至金鏡錄始集三十六圖。逮後觀舌心法。廣至一百三十有七。何後世證變之多若此。寧知傷寒自表傳裏。舌胎必由白滑而變他色。不似伏邪瘟疫等熱毒。自內達外之一病便見黃黑諸胎也。觀仲景論中。一見舌白、胎滑。即言難治。安有失治而致變者乎。所以仲景止言白胎。已見一斑。不煩瑣屑。後人無先聖治未病之能。勢不得不反覆辨論以啓蒙昧。蓋邪氣入裏。其虛實寒熱之機。必現於舌。非若脈法之隱而不顯也。況陰盛格陽。與邪熱鬱伏。多有假證假脈。惟驗舌上胎色之滑、燥、厚、薄。昭若冰鑑。無所遁形。由是取觀舌心法。正其錯誤。削其繁蕪。汰其無預於傷寒者。而參入家大人治案所紀。及己所親歷。共得一百二十圖。命曰傷寒舌鑑。授之剞劂。以公同志臨證之一助云。

康熙戊申年秋月誕先張登書於雋永堂



0048305



庫存書
不外借

00100

目 錄

白胎舌總論 (附二十九圖)	1
黃胎舌總論 (附一十七圖)	8
黑胎舌總論 (附一十四圖)	13
灰色舌總論 (附一十一圖)	17
紅色舌總論 (附二十六圖)	20
紫色舌總論 (附一十二圖)	27
黴醬色胎舌總論 (附三圖)	30
藍色胎舌總論 (附二圖)	31
妊娠傷寒舌總論 (附六圖)	32

白胎舌總論

傷寒邪在皮毛。初則舌有白沫。次則白涎白滑。再次白屑白疱。有舌中、舌尖、舌根之不同。是寒邪入經之微甚也。舌乃心之苗。心屬南方火。當赤色。今反見白色者。是火不能制金也。初則寒鬱皮膚。毛竅不得疏通。熱氣不得外泄。故惡寒發熱。在太陽經。則頭痛、身熱、項背強、腰脊疼、等症。傳至陽明經。則有白屑滿舌。雖症有煩躁。如脈浮緊者。猶當汗之。在少陽經者。則白胎白滑。用小柴胡湯和之。胃虛者。理中湯溫之。如白色少變黃者。大柴胡、大小承氣、分輕重下之。白舌亦有死症。不可忽視也。




圖 1 微白滑胎舌

寒邪初入太陽。頭疼、身熱、惡寒、舌色微白有津。香蘇散、羌活湯之類發散之。




圖 2 薄白滑胎舌

此太陽裏證舌也。二三日未曾汗。故邪入丹田漸深。急宜汗之。或太陽與少陽合病。有此舌者。柴胡桂枝湯主之。




圖 3 厚白滑胎舌

病三四日。其邪只在太陽。故胎純白而厚。却不乾燥。其證頭疼發熱。脈浮而緊。解表自愈。




圖 4 乾厚白胎舌

病四五日。未經發汗。邪熱漸深。少有微渴。過飲生冷。停積胸中。營熱胃冷。故令發熱煩躁。四肢逆冷。而胎白乾厚。滿口白屑。宜四逆散加乾薑。




圖 5 白胎黃心舌

此太陽經初傳陽明府病舌也。若微黃而潤。宜再汗。待胎燥裏證具。則下之。若煩躁嘔吐。大柴胡湯加減。亦有下淡黃水沫。無稀糞者。大承氣湯下之。




圖 6 白胎黃邊舌

舌中見白胎。外有微黃者。必作泄。宜用解毒湯。惡寒者五苓散。




圖 7 乾白胎黑心舌

此陽明府兼太陽舌。其胎邊白中心乾黑者。因汗不徹。傳至陽明所致。必微汗出、不惡寒、脈沉者。可下之。如二三日未曾汗。有此舌必死。




圖 8 白滑胎尖灰刺舌

此陽明府兼少陽舌也。三四日自利脈長者生。弦數者死。如有宿食。用大承氣下之。十可全五。




圖 9 白胎滿黑刺乾舌

白胎中生滿乾黑芒刺。乃少陽之裏證也。其證不惡寒反惡熱者。大柴胡加芒硝急下之。然亦危證也。




圖 10 白滑胎黑心舌

白胎中黑。爲表邪入裏之候。大熱譫語。承氣等下之。倘食復而發熱。或利不止者。難治。




圖 11 半邊白滑舌

白胎見於一邊。無論左右。皆屬半表半裏。宜小柴胡湯。左加葛根。右加茯苓。有效嗽引脇下痛。而見此舌胎者。小青龍湯。夏月多汗自利。人參白虎湯。




圖 12 藏結白滑舌

或左或右。半邊白胎。半邊或黑或老黃者。寒邪結在藏也。黃連湯加附子。結在咽者。不能語言。宜生脈散合四逆湯。可救十中一二。




圖 13 白胎黑斑舌

白胎中有黑小斑點亂生者。乃水來尅火。如無惡候。以涼膈散承氣湯下之。十中可救一二。




圖 14 白胎燥裂舌

傷寒胸中有寒。丹田有熱。所以舌上白胎。因過汗傷營。舌上無津。所以燥裂。內無實熱。故不黃黑。宜小柴胡加芒硝微利之。




圖 15 白胎黑根舌

舌胎白而根黑。火被水尅之象。雖下亦難見功也。




圖 16 白尖黃根舌

邪雖入裏。而尖白未黃。不可用承氣。宜大柴胡湯加減。下後無他證。安臥神清。可生。倘再有變證。多凶。




圖 17 白胎雙黃舌

此陽明裏證舌也。黃乃土之色。因邪熱上攻。致令舌有雙黃。如脈長惡熱。轉矢氣煩躁者。大柴胡調胃承氣下之。




圖 18 白胎雙黑舌

白胎中見黑色兩條。乃太陽少陽之邪入於胃。因土氣衰絕。故手足厥冷。胸中結痛也。理中湯瀉心湯選用。如邪結在舌根。咽啞而不能言者。死證也。




圖 19 白胎雙灰色舌

此夾冷食舌也。七八日後見此舌而有津者。可治。理中四逆選用。無津者不治。如乾厚見裏證。則下之。得湯次日灰色去者安。




圖 20 白尖中紅黑根舌

舌尖白而根灰黑。少陽邪熱傳府。熱極而傷冷飲也。如水停津液固結而渴者。五苓散。自汗而渴者。白虎湯。下利而渴者。解毒湯。如黑根多、白尖少、中不甚紅者。難治。




圖 21 白胎尖紅舌

滿舌白滑而尖却鮮紅者。乃熱邪內盛。而復感客寒入少陽經也。小柴胡湯加減。




圖 22 白胎中紅舌

此太陽初傳經之舌也。無汗者發汗。有汗者解肌。亦有少陽經者。小柴胡湯加減。




圖 23 白胎變黃舌

少陽證罷。初見陽明裏證。故胎變黃色。兼矢氣者。大柴胡湯下之。




圖 24 白尖紅根舌

舌尖胎白。邪在半表半裏也。其證寒熱、耳聾、口苦、脇痛、脈弦。小柴胡湯和解之。




圖 25 白胎尖灰根黃舌

此太陽濕熱併於陽明也。如根黃色潤、目黃小便黃者。茵蘗蒿湯加減。




圖 26 白胎尖根俱黑舌

舌根尖俱黑而中白。乃金水太過。火土氣絕於內。雖無凶證。亦必死也。




圖 27 熟白舌

白胎老極。如煮熟相似者。心氣絕而肺色乘於上也。始因食瓜果冰水等物。陽氣不得發越所致。爲必死候。用枳實、理中。間有生者。




圖 28 淡白透明舌

年老胃弱。雖有風寒。不能變熱。或多服湯藥。傷其胃氣。所以淡白透明。似胎非胎也。宜補中益氣加減治之。



圖 29 白胎如積粉舌

此舌乃瘟疫初犯募原也。達原飲。見三陽表證。隨經加柴胡、葛根、羌活。見裏證。加大黃。

黃胎舌總論

黃胎者。裏證也。傷寒初病無此舌。傳至少陽經。亦無此舌。直至陽明府實。胃中火盛。火乘土位。故有此胎。當分輕重瀉之。初則微黃。次則深黃有滑。甚則乾黃焦黃也。其證有大熱、大渴、便秘、譫語、痞結、自利。或因失汗發黃。或畜血如狂。皆溼熱太盛、小便不利所致。若目白如金。身黃如橘。宜茵陳蒿湯、五苓散、梔子蘘皮湯等。如畜血在上焦。犀角地黃湯。中焦、桃仁承氣湯。下焦、代抵當湯。凡血證見血則愈。切不可與冷水。飲之必死。大抵舌黃證雖重。若脈長者。中土有氣也。下之則安。如脈弦下利、舌胎黃中有黑色者。皆危證也。




圖 30 純黃微乾舌

舌見黃胎。胃熱之極。土色見於舌端也。急宜調胃承氣下之。遲則恐黃老變黑。爲惡候。




圖 31 微黃胎舌

舌微黃而不甚燥者。表邪失汗而初傳裏也。用大柴胡湯。若身目俱黃者。茵陳蒿湯。




圖 32 黃乾舌

舌見乾黃。裏熱已極。急下勿緩。下後脈靜身涼者生。反大熱而喘脈躁者死。




圖 33 黃胎黑滑舌

舌黃而有黑滑者。陽明裏證具也。雖不乾燥。亦當下之。下後身涼脈靜者生。大熱脈躁者死。




圖 34 黃胎黑斑舌

黃胎中亂生黑斑者。其證必大渴
譫語。身無斑者。大承氣下之。如脈
濡、譫語、循衣摸牀、身黃斑黑者。俱
不治，下出稀黑糞者死。




圖 35 黃胎中黑通尖舌

黃胎從中至尖通黑者。乃火土燥
而熱毒最深也。兩感傷寒必死。惡寒
甚者亦死。如不惡寒。口燥咽乾而下
利臭水者。可用調胃承氣湯下之。十
中可救四五。口乾齒燥。形脫者。不治。




圖 36 老黃隔瓣舌

舌黃乾澹而有隔瓣者。乃邪熱入
胃。毒結已深。煩躁而渴者。大承氣
湯。發黃者。茵陳蒿湯。少腹痛者。有
瘀血也。抵當湯，結胸。大陷胸湯。




圖 37 黃尖舌

舌尖胎黃。熱邪初傳胃府也。當
用調胃承氣湯。如脈浮惡寒。表證未
盡。大柴胡兩解之。




圖 38 黃胎灰根舌

舌根灰色而尖黃。雖比黑根少輕。如再過一二日。亦黑也。難治。無煩躁直視。脈沉而有力者。大柴胡加減治之。




圖 39 黃尖紅根舌

根紅而尖黃者。乃濕熱乘火位也。瘟熱初病。多有此舌。涼膈解毒等藥。消息治之。




圖 40 黃尖黑根舌

舌黑根多而黃尖少者。雖無惡證惡脈。誠恐暴變一時。以胃氣竭絕故耳。




圖 41 黃胎黑刺舌

舌胎老黃極而中有黑刺者。皆由失汗所致。邪毒內陷已深。急用調胃承氣下之。十中可保一二。




圖 42 黃大脹滿舌

舌黃而脹大者。乃陽明胃經濕熱也。證必身黃、便秘、煩躁。茵蔯蒿湯。如大便自利而發黃者。五苓散加茵蔯、梔子、黃連等治之。




圖 43 黃尖白根舌

舌根白尖黃。其色倒見。必是少陽經傳陽明府病。若陽明證多者。大柴胡湯。少陽證多者。小柴胡湯。如讞語煩躁者。調胃承氣湯。




圖 44 黃根白尖舌

舌尖白根黃。乃表邪少而裏邪多也。天水散、涼膈散合用。如陽明無汗、小便不利、心中懊憹者。必發黃。茵蔯蒿湯。




圖 45 黃根灰尖舌

舌乃火位。今見根黃尖灰。是土來侮火也。不吐不利、心煩而渴者。乃胃中有鬱熱也。調胃承氣加黃連。




圖 46 黃根白尖短縮舌

舌見根黃尖白而短硬。不燥不滑。但不能伸出。證多譫妄煩亂。此痰挾宿食占據中宮也。大承氣加薑、半主之。

黑胎舌總論

傷寒五七日。舌見黑胎。最爲危候。表證皆無此舌。如兩感一二日間見之。必死。若白胎上漸漸中心黑者。是傷寒邪熱傳裏之候。紅舌上漸漸黑者。乃瘟疫傳變。壞證將至也。蓋舌色本赤。今見黑者。乃水來尅火。水極似火。火過炭黑之理。然有純黑、有黑暈、有刺、有隔瓣、有瓣底紅、瓣底黑者。大抵尖黑猶輕。根黑最重。如全黑者。總使神丹。亦難救療也。




圖 47 純黑舌

遍舌黑胎。是火極似水。藏氣已絕。脈必代結。一二日中必死。切勿用藥。




圖 48 黑胎瓣底紅舌

黃胎久而變黑。實熱亢極之候。又未經服藥。肆意飲食。而見脈伏、目閉、口開、獨語、譫妄。醫遇此證。必掘開舌胎。視瓣底紅者。可用大承氣下之。